



Broj: 02-02-2-1190-2/23
Sarajevo, 18.12.2023.

N/p - Direktora

PREDMET: Poziv bh. kompanijama za učešće u poslovnoj posjeti sajmu „ESEF MANUFACTURING INDUSTRY 2024 - Evropski sajam podugovaranja i inženjeringa“, 12.-15.03.2024. Utrecht (Nizozemska)

Poštovani,

Obavještavamo Vas da Vanjskotrgovinska/Spoljnotrgovinska komora Bosne i Hercegovine organizuje posjetu sajmu ESEF 2024 „Evropski sajam podugovaranja i inženjeringa“ koji se održava od 12. do 15.03.2024. godine u Utrechtu (Nizozemska).

„ESEF MANUFACTURING INDUSTRY 2024“ je najveći i najvažniji sajam u zemljama Beneluksa u oblasti snabdjevanja, outsourcinga, razvoja proizvoda i inženjeringa. Svake dvije godine, OEM (proizvođači originalne opreme) dizajneri proizvoda i kupci mogu pronaći nove materijale, komponente i primjene, kao i fleksibilna rješenja vezane za proizvodnju i kupovinu. Sajam okuplja kompanije koje se bave proizvodnjom i inženjeringom, pružajući im priliku da na sajmu predstavljaju svoje proizvode, usluge i tehnološke inovacije.

„ESEF 2024“ je mjesto gdje posjetitelji i izlagači mogu podijeliti znanje, umrežiti se i upoznati nove poslovne kontakte. U sklopu sajma ESEF-a se održava i **TechniShow 2024** - (<https://event.technishow.nl/en/>). **TechniShow** je najveći i najznačajniji sajam u Beneluksu za industrijsku proizvodnju, obradu i mašinsku obradu metala, plastike, pribora i alata.

Sajam se fokusira na sljedeće sektore:

- Proizvodnja metala;
- Proizvodnja mašina visoke tehnologije, osnovna metalna industrija;
- Tehnički dizajn/inženjering/konsalting;
- Veleprodaja;
- Obrazovanje;
- Automobilska industrija;
- Električna i elektronička industrija;
- Industrija gume i plastike;
- Poljoprivreda i hrana;
- Nautička industrija;
- Energija;
- Instalacije;
- Vazduhoplovstvo;
- Industrija namještaja i uređenje interijera;
- Transport i logistika;
- Poljoprivreda i hortikultura;
- Niskogradnja i hidrogradnja;
- Infrastruktura



Svrha poslovne posjete sajmu ESEF-u 2024 je omogućiti uspostavljanje kontakata sa potencijalnim partnerima i unapređenje izvoznih poslova bh. kompanija. **Predviđeno je učešće do 7 bh. kompanija.**

Organizator VTK/STK BiH će svakoj odabranoj kompaniji obezbijediti novčanu subvenciju u iznosu od 1500 KM (uključen PDV). Kompanije od subvencije imaju pravo pokriti troškove avio prevoza, smještaja, ulaznice na sajam i slično. VTK/STK BiH će sa svakom kompanijom potpisati Ugovor u kome su definisana prava i obaveze organizatora i bh. kompanije.

Organizovanjem posjete bh. proizvođača ESEF 2024 „Evropskom sajmu podugovaranja i inženjeringa“ od 12.-13.03.2024. godine povećava se mogućnost za proširenje poslovanja na inostranom tržištu, kao i promocijom njihovih proizvoda. **Preliminarni program posjete u prilogu.**

VTK/STK BiH će **izraditi katalog** sa profilima odabranih kompanija. Katalog će biti na engleskom jeziku i u elektronskoj formi (QR kod) koji će se koristiti prilikom posjete sajmu.

Ulaznica za sajam:

Ulaznice za sajam ESEF 2024 i TechniShow 2024 su besplatne. Kompanije koje prođu selekciju će izvršiti samostalno registraciju na linku: <https://events.jaarbeurs.nl/ESEFMaakindustrie-2024?lang=en>

Pravo učešća u ovoj poslovnoj posjeti imaju:

- bh. kompanije sa iskustvom u izvoznim poslovima iz sljedećih oblasti: metaloprerađivačke, mašinske elektro, industrija plastike i drugih industrija koje odgovaraju profilu sajma.
- kompanije koje su strateški opredijeljene za izvoz na tržište EU i imaju adekvatan kvalitet proizvoda;
- kompanija je aktivni član VTK/STK BIH (redovno izmiruje obaveze plaćanja članarine u skladu sa članom 22. i 23. Zakona o VTKBIH/STKBIH „Službeni glasnik BIH“, broj 30/1 i 72/1.
- kompanije koje mogu osigurati prisustvo najmanje jednog predstavnika koji aktivno komunicira na engleskom jeziku.

Pozivamo sve zainteresirane bh. kompanije koje zadovoljavaju navedene kriterije, da ispunjenu prijavu dostave na priloženom obrascu **najkasnije do petka 05.01.2024. godine** na kontakt e-mail adresu: mersiha.selmanovic@komorabih.ba. Za više informacija o učešću u poslovnoj posjeti sajmu, kontakt osoba je **Mersiha Selmanović** (tel. 033 566 242 ili 066 22 00 43)

Potpisana i ovjerena **četiri originalna primjerka Sporazuma o reguliranju obaveza, potrebno je obavezno poslati i poštom na adresu Vanjskotrgovinska/Spoljnotrgovinska komora Bosne i Hercegovine Branislava Đurđeva 10; 71000 Sarajevo.**

S poštovanjem,

Prilog:

- Prijavni obrazac
- Preliminarni program
- Sporazum o reguliranju obaveza

